

# 13 000 Euro fir Leit, déi Hëllef brauchen

D'Kleederstuff huet hiren Erléis u fënnef Associatioune gespent



*Den Erléis vun de verkaafte Kleeder gëtt all Joer verdeelt.*

**Miersch.** Et sinn eng zéng Damen, déi sech säit Joren ëm d'Mierscher Kleederstuff këmmere.

Dat heescht, vill Stonne benevol verbréngen, Kleeder sammeln, en Tri maachen, Kleeder préiwien an araumen, fir se sou herno zu ganz soziale Präisser u bedürfteg Bierger ze verkafen. Den Er-

léis vun de verkaafte Kleeder gëtt all Joer verdeelt duerch d'Iwwerreeche vu verschiddene Schecken un Associatiounen, déi sech zum Zil gesat hunn, manner bemëttelten oder fleegebedürftege Leit ze hëllefen.

Dëst Joer sinn esou vun de Verantwortlechen aus der Kleederstuff folgend Schecken iwwer-

reecht ginn: 4 000 Euro un de Plooschterprojet, 4 000 Euro u Luxrollers, 4 000 Euro u Wäertvollt Liewen a je 500 Euro un ADRA a Foi et Lumière. Déi Verantwortlech vun deene fënnef Associatioune soten e grouse Merci un déi benevol schaffend Damen aus der Kleederstuff.

*Henri Krier via mywort.lu*